

La Bib pou ti moun prézanté



Nonm dife a



Ékri pa : Edward Hughes

Ilistré pa : Lazarus
Alastair Paterson

Adapté pa : E. Frischbutter


Tradwi pa : Ausky Salomon

Pwodwi pa : Bible for Children
www.M1914.org


©2025 Bible for Children, Inc.

Lisans : Ou gen dwa pou copyé o swa fè fotocopi istwa sa,
dépi sé pa pou van-n ou fè li.

Bagay yo t ap mache mal pou Izrayèl. Wa a ak rèn nan te rayi Bondye. Ala yon move egzanp ! Nan yon ti tan konsa pèp la te kòmanse rayi Bondye tou epi adore fo dye. Èske te gen moun ki te renmen Bondye ?




Wi, te toujou rete kèk fidèl adoratè. Yon jou, Bondye te pale ak youn nan yo, ki te rele Eli.



3

Eli te di wa mechan an Akab : "Letènèl vivan, p ap gen ni lawouze ni lapli ane sa a, sof si mwen di sa." Sa vle di grangou ! Bondye pa te ka kite pèp li a kontinye ap fè mechanste.



4




Aprè li te fin avèti wa a, Bondye te voye Eli nan yon kote trankil. Nan kote sa a,

bò yon rivyè, Eli te tann. Bondye te voye kòbo pou ba li manje. Yo te pote pen ak vyann, nan maten ak nan aswè. Epi Eli te bwè dlo nan rivyè a.

5

Aprè yon ti tan, rivyè a te sèch, paske pa te genyen lapli nan

peyi a. Pawòl Bondye a te akonpli. Tout peyi a te manke dlo. Grenn yo pa te pouse. Pèp la te grangou. Eli dwe te mande tèt li kisa ki t ap ral rive l kounye a dlo a te disparèt.



6

Bondye di Eli : "Leve, ale Sarepta epi rete la. Mwen bay yon vè lòd pou li ba w manje." Bondye te konnen bezwen sèvitè li a. Men, ala yon mwayen etranj pou l ede li. Avèk imilite, Eli te obeyi

Bondye. Lè li te rive Sarepta, vè la te nan pòtay vil la epi li t ap ranmase bwa pou l limen dife.

7


"Tanpri, ale chache yon ti dlo pou mwen pou m bwè," Eli te mande. "Pote yon moso pen pou mwen." "Mwen pa gen pen, li te reponn, mwen genyen yon ponyen farin nan yon po ak yon ti lwil nan yon krich."

Byen tris, fanm nan di pwofèt la lè pwodui sa yo fini, li menm ak pitit gason l lan pral mouri grangou.



8

"Ou pa bezwen pè. Prepare yon ti gato avèk li pou mwen, epi fè youn pou ou menm ak pitit gason w lan," Eli di. "Ou p ap janm manke farin ak lwil jiskaske jou Letènèl ap voye lapli sou tè a rive." Bondye te oblije fè yon mirak pou sa rive. Li te fè sa! Vè la ak pitit gason l lan te gen manje pou yo manje ; farin nan ak lwil la pa te janm fini.



9

Eli te rete avèk yo. Yon jou, yon bagay tris te rive. Pitit gason vè la te mouri. Eli te pote kò ti gason an nan yon chanm. Li rele Letènèl epi li di : "Letènèl,

Bondye mwen, tanpri, fè nanm timoun sa a retounen vin jwenn li !" Ala yon priyè enposib !



10

Letènèl te tande vwa Eli, nanm timoun nan te retounen vin sou li, epi li te resisite. Lè Eli te pran timoun nan epi li te bay manman l li, manman l te di :

"Mwen konnen pawòl Bondye ki nan bouch ou a se verite."




11

Twa zan apre, Bondye te voye Eli ale kote wa a ankò epi di li : "M ap voye lapli sou tè a."




12

Ale kote Akab ? Madanm li Jezabèl te deja asasinen yon santèn pwofèt Bondye. Men, Eli pa t ezite. Li te ale kote wa Akab.



13

Lè de mesye yo te rankontre, Eli te mande Akab pou li rasanble tout Izrayèl ak 850 fo pwofèt yo. Nan yon kote yo rele Mòn Kamèl, Eli te pale ak pèp la, "Si Letènèl se Bondye, swiv li !"




14

Eli te fè prepare de towo pa te sèvi ak dife. "Envok m ap envoke non Letènèl,"

reponn ak sa, se li mèsi ki va bondye.

Byen," pèp la te reponn.



15

Depi nan maten rive aswè, envoke fo dye yo. Yo te d ak kouto jiskaske yo te se ta vini.



16

Lè sa a, Eli te vide dlo sou bwa a ak sakrifis la epi li te priye : "Letènèl, fè yo konnen jodi a se ou menm ki Bondye nan peyi Izrayèl." Epi dife Letènèl te tonbe epi li te boule ofrann nan, bwa a, ak menm wòch lotèl la.



17

Lè pèp la te wè sa, yo te rele byen fò : "Se Letènèl ki Bondye !" Eli di yo : "Mete men sou pwofèt Baal yo, pa kite pèsonn chape !" Eli te fè sa wa Akab te fè lontan lontan anvan sa. Li te touye fo pwofèt yo.



18

Lè sa a, sèvitè Bondye a di Akab lapli a t apral vini. Yon ti nyaj te parèt. Èske se te lapli a ? Apre twa zan gwo sechrès ?



19

Nan yon tikras tan, syèl la te vin nwa ak nyaj ak van, epi li te fè yon gwo lapli. Bondye te voye lapli a. Li te montre pèp la Eli te di yo laverite. Bondye te montre se li menm sèl ki se Bondye toutbonvre.



20



Èske w panse wa Akab te onore Bondye ak sèvitè li a Eli ? Non ! Alaverite, Jezabèl te eseye touye Eli, men li te sove. Finalman, Akab te mouri nan yon batay, epi sèvitè li yo te pouse Jezabèl anba sou yon mi byen wo nan palè a. Li te tonbe atè a l al kraze sou wòch yo.

21



Ki sa ki te rive Eli ? Yon jou, Bondye te voye yon cha dife ak chwal dife ; epi Eli, li menm yon nonm dife, yo te pote l ale nan yon toubouyon nan syèl la.

22

Nonm dife a


Yon istwa soti nan pawòl Bondyé-a, la Bib,

Nap jwen-n nan

1 Wa 17-19; 2 Wa 2

"Pawòl Bondyé poté limyè."
Sòm 119 : 130

23



24

60 24

Istwa bibliik sa rakonté nou kòman ké gen yon mèvéyé Bondyé ki kréyé nou é ki vlé pou ou konnen Li tou.

Bondyé konnen ké nou fè mové aksyon ki rélé péché. Pinisyon pou péché sé lanmò. Sèlman Bondyé renmen nou si tèlman ké Li voyé sèl gren-n pitit Li-a Jézi, ki mouri sou lakwa pou nou, dékwa pou Li sa péyé dèt péché nou yo pou nou. Apré sa Jézi té résisité, é Li monté nan syèl la ! Ou men-m tou, si ou kwè nan Jézi é si ou mandé Li ak tout kè-w pou Li padoné péché ou yo, L'ap fè sa pou ou ! L'ap rantré nan lavi-w touswit é wap maché avèk Li pou tout tan.

Si ou kwè ké sa ou fèk sot tandé-a sé la vérité, résité priyé sa : "Sényè Jézi, mwen kwè ké ou sé pitit Bondyé, mwen kwè ké ou té mouri pou mwen épi ou résisité ankò. Tanpri, rantré nan lavi mwen, padoné péché mwen yo, pou mwen sa gen yon nouvo lavi kounyé-a la, konsa lè gran jou-a va rivé, m'a va abité avè-w nan rwayòm ou an pou l'éternité. Edé-m obéyi-w é édém viv pou ou an tan ké pitit ou. Amèn.

Li La Bib ou épi palé ak Bondyé chak jou ! Jan 3 : 16

25